

Դեսպանն Գաղղիոյ ստիպեալ 'ի թախանձանաց Լատին կղզերց, մատոյց գիր ամբաստանութեան 'ի Դուռն զազգէն Հայոց վասն Համբարձման տեղւոյն յեցեալ յիլամն, զոր տուեալ էր Էստէյիտ Ալի Դատաւորն երուսաղէմի, յորում յիշէր և զհրովարտակն նոցին տուեալ 'ի թուին ՎՊՁ :

Թէպէտ և Հայք եւս ունէին զհին և զնոր վաւերական գրեանս, սակայն Դուռն ոչ կամէր դարձուցանել զերեսս յերկուց կողմանց, և մինչ այսպէս յերերի կայր խնդիրն, փութացոյց Դեսպանն զերկրորդ թուղթ իւր խիստ քան զառաջինն, և ստիպէր յանձնել զրովանդակ տեղին 'ի ձեռքս Լատին կղերց, և յաւել ստել թէ զարմանք են զի ոչ գործադրին նամականիք, միթէ Դեսպանն ինքնի՞ն եկեսցէ : Թէպէտ և ծանեան Հայք հաւաստեաւ զհակառակութիւնս և զարիաջան աշխատութիւնս նորին առ այս գործ, սակայն ոչ երբէք լքան 'ի խորհրդոց իւրեանց, և վերջստին մատուցին գիր աղաչանաց 'ի Դուռն՝ տալ հրովարտակ 'ի հաստատութիւն առաջնոցն : Խլրտէին և Յոյնք և կամէին 'ի ձեռս բերել մասն ինչ 'ի տեղւոյն . զի դուռն յառաջագոյն ծանուցեալ էր նոցա : Յուսկ ուրեմն զիջաւ Տէրութիւնն 'ի խնդիր Դեսպանին և ետ հրովարտակ վասն Լատինաց ՎՊՁ Զիւլիճճէ վերջ, և ընթերցաւ 'ի Դատարանն երուսաղէմի առաջի բազմութեան Այլազգեաց և Քրիստոնէից (յ7 Յունիսի, 1837), որոյ իմաստքն են «ի կործանիլ Գմբեթի Համբարձման տեղւոյն յերկրաշարժէ, Հայք եւ Յոյնք բաժանորդ եղեն 'ի շինութեան, զի Լատինք 'ի տարւոյ միանգամ 'ի ներքոյ նորին պատարագէին, և այլք 'ի դաւիթս 'ի վերայ իւրաքանչիւր սեղանոյ . եւ 'ի լինել խռովութեան 'ի մէջ երից ազգաց վասն ծախուց շինութեան, Դատաւորն ետ Հէօճճէթ Լատինաց և զրկեաց զերկուս ազգս : Այլ յորժամ առին Հայք հրովարտակ սակս շինութեան Տաճարին Ա. Յարութեան, կամեցան նովաւ յափըշտակել և զՀամբարձման տեղին՝ յոր կատարէին Լատինք զպաշտամունս ըստ Հէօճճէթի դատարանի . և Դեսպանն Գաղղիոյ խնդրեաց վերստին դարձուցանել զայն առ նոսա : Յարձանագիրս Արքունի դիւանին գտաւ հրովարտակ տուեալ Լատինաց զինի հրդեհի Տաճարին Սուրբ Յարութեան, յազադս յափըշտակելոյ Յունաց զմասունս